

傷

寒

辯

證

傷寒辨證

卷四

三原 陳堯道 素中著

陽信 勞鳳翔 虞廷訂

傷寒辨證藥方

作方圓必依規矩。治病證必用古方。固也。但古方今病焉能融合。是以羅太無曰。以古方治今病。正如拆舊屋。凌新屋。其材木非一。必再經匠氏之手。故用方者。必當明其所以然。能明其所以然。則

或增或減。或主方。或複方。或以內傷方治外感。或以外感方治內傷。信手拈來。頭頭是道。正許學士所云。讀仲景書。用仲景之法。未嘗守仲景之方。乃爲得仲景之心也。若不明其所以然。而徒守其方。如經生家不能搦管作文。徒記誦先輩名文。以冀場屋題目之必中。奚可哉。是集諸方。人所易曉者。止錄其方。其涉疑難及理趣深奧者。頗采明理論醫方考等書。以闡明之間。附一得之見。誠能潛心於此。製方其無誤乎。抑更有慮焉。仲景曰。病當汗解。診其尺脈濇。當與黃

者○建○中○湯○補○之○然○後○汗○之○先○賢○慎○於○用○汗○藥○如○此○故○
用○方○者○雖○方○與○證○合○又○在○診○脈○並○察○兼○證○以○詳○辯○其○
虛○實○寧○過○於○顧○護○元○氣○不○可○輕○用○汗○下○之○重○劑○也○

易寒雜證藥方目錄

麻黃湯 一

桂枝湯 二

大青龍湯 三

小柴胡湯 四

三黃石膏湯 五

雙解散 六

人參敗毒散 七

九味羌活湯 八

白虎湯 九

清暑益氣湯 十

大柴胡湯 十一

五苓散 十二

理中湯 十三

益元散 十四

藿香正氣散 十五

四逆湯 十六

薤苳湯 十七

柴苓湯 十八

葛根湯 十九

大羌活湯 二十

涼膈散 二十一

大承氣湯 二十二

小承氣湯 二十三

調胃承氣湯 二十四

升麻葛根湯 二十五

桃仁承氣湯 二十六

參胡三白湯 二十七

黃連解毒湯 二十八

六味地黄丸 二十九

人參三白湯 三十

人參竹葉湯 三十一

參胡溫膽湯 三十二

小建中湯 三十三

通脈四逆湯 三十四

乾薑附子湯

三十

陽毒升麻湯

三十

黑參升麻湯

三十

大黃散

三十

真武湯

三十

霹靂散

四十

麻黃附子細辛湯

四十

當歸四逆湯

四十

附子湯

四十

甘草附子湯

四十

竹葉石膏湯

四十

補中益氣湯

四十

黃耆建中湯

四十

當歸六黃湯

四十

厚朴

生甘草半人

湯

四十

茵陳五苓散

五十

小半夏茯苓湯

五十

葛根蔥白湯

五十

吳茱萸湯

五十

八物湯

五十

二陳湯

五十

茯苓桂枝甘草

白湯
六十

人參養榮湯

五十

加味溫膽湯

五十

普濟消毒飲

五十

增損通聖消毒飲

六十

大陷胸湯

六十

小陷胸湯

六十

枳實理中湯

六十

桔槳枳殼湯

六十

大黃黃連瀉心湯

六十

半夏瀉心湯

六十

附子瀉心湯

六十

生薑瀉心湯

六十

甘草瀉心湯

六十

桂枝人參湯

七十

洋角地黃湯 七十

桂枝加芍藥湯 七十

黃連湯 七十

四逆散 七十

甘葶湯 七十

桔梗湯 七十

參蘇飲 七十

橘皮竹茹湯 七十

赤芍龍湯 七十

桂枝加厚朴杏仁湯 八十

麻黃杏仁 甘石 湯 八十

葛根黃芩黃連湯 八十

五味子湯 八十

蘇沉九寶湯 八十

葛根加參夏湯 八十

黃芩半夏生薑湯 八十

乾薑黃芩 黃芩 湯 八十

白通湯 八十

白蓮加豬膽汁湯

九十

茯苓四逆湯

九十

梔子豉湯

九十

茯苓甘草湯

九十

炙甘草湯

九十

葛根解肌湯

九十

柴胡桂枝湯

九十

赤石脂禹餘糧湯

九十

桂枝加附子

紅花湯
九十

芍藥甘草湯

八十

導赤散

九十

導赤瀉心湯

一百

知母麻黃湯

一百

大建中湯

一百

桂枝白朮湯

一百

附子防風湯

一百

防風當歸散

一百

黃芩芍藥湯

一百

代抵當丸

一百七

失笑散

一百八

豬苓湯

一百九

茵陳湯

一百十

茯苓桂枝

甘草湯

一百十一

甘草乾薑湯

一百十二

連翹赤小豆湯

一百十三

白虎加人參湯

一百十四

黃連犀角湯

一百十五

雄黃散

一百十六

十棗湯

一百十七

黃龍湯

一百十八

生地黃黃連湯

一百十九

烏梅丸

一百二十

百合地黃湯

一百二十一

麥門冬湯

一百二十二

傷寒辨證藥方

麻黃湯

一

太陽寒傷、頭痛發熱、腰脊痛、惡寒、無汗、脈浮緊者、麻黃湯主之、

麻黃

去節三錢

桂枝

二錢

甘草

一錢

杏仁

去皮尖一錢八分

右用水二鍾、煎至一鍾、去滓、熱服、衣被覆取汗、

足太陽經起目內眥、循頭背腰膈、故所過痛而不
利、寒邪外束、人身之陽不得宣越、故令發熱、寒邪
在表、不復任寒、故令惡寒、寒主閉藏、故令無汗、人

身之陽既不得宣越於外，則必壅寒於內，故令作喘寒氣剛勁，故令脈緊。麻黃辛溫散寒，故令爲君。佐以桂枝取其解肌，佐以杏仁取其利氣，入甘草者亦辛甘發散之謂。抑太陽無汗麻黃之用固矣。若不斟酌人品之虛實，時令之寒暄，則又有汗多亡陽之戒。汗多者宜撲於亡陽者宜附子湯。大抵麻黃性熱，惟冬時正傷寒無汗者用之。若春夏不可輕用。誤用麻黃後汗出不止，將病人頭髮披水盆中，外用炒糯米一升，龍骨牡蠣藥本防風各一

兩周身撲之此良法也

桂枝湯二

頭痛發熱汗出惡風脈緩者太陽中風也桂枝湯主之

桂枝

錢三

芍藥

錢三

甘草

錢二

生薑

片五

大棗

擘三枚

右用水二鍾煎至一鍾去滓溫服取微汗徧身發熱微似有汗者佳不可令如水淋漓病必不除風之傷人也頭先受之故令頭痛風爲陽氣亦爲陽同類相從則傷衛衛氣傷則無以固衛津液故

令汗出、其惡風者、衛不能衛也、其脈緩者、衛氣不能鼓也、桂枝味辛甘、辛則能解肌、甘則能實表、辛甘發散爲陽、故用之以治風、然恐其走泄陰氣、故用芍藥之酸以收之、佐以甘草生薑大棗、此發表而兼和裏之意、然桂枝本爲解肌、若其人脈浮緊、發熱汗不出者、不可與也、與之則表益實而汗益難出矣、故申之以常須識此、勿令誤也、大抵桂枝性熱、惟冬時正傷寒有汗者用之、若春夏不可輕用、酒家亦不可行桂枝湯。

大青龍湯 三

傷寒太陽證見風脈者、大青龍湯主之。

麻黃

三錢

桂枝

二錢

甘草

一錢

杏仁

六枚

湯泡

石膏

二錢

生薑

五片

大棗

一枚

右用水二鍾、煎至一鍾、去滓溫服、溫覆取汗則愈、
青龍者、東方甲乙木神、主發育萬物、方以發散爲
義、故名之、仲景法、太陽傷寒、治以麻黃湯、太陽中
風、治以桂枝湯、今傷寒太陽證見風脈、是有頭痛
身熱、無汗惡寒、但脈來不緊而緩、爲傷寒、且中風

矣。故二方併而用之。風寒外盛。則人身之陽鬱爲
內熱。此石膏之所以加也。大青龍其發表之重劑
乎。而亡陽之戒。筋惕肉瞤之弊。則用青龍之過者
也。有此者。急以大溫大補之劑。主之。又仲景救弊
之方也。

小柴胡湯 四

傷寒寒熱往來、脇痛、口苦、脈弦者、此邪在少陽
經、半表半裏之證也、本方主之、

柴胡 二錢

黃芩

人參

半夏

製各一錢

甘草

五分

生薑

片三

大棗

枚

右用水二鍾煎至一鍾去滓溫服

邪在表則惡寒邪在裏則發熱邪在半表半裏則惡寒且熱故令寒熱往來少陽之脈行於兩脇故令脇痛其經屬於膽膽汁上溢故口苦膽者肝之府在五行爲木有垂枝之象故脈弦柴胡性辛溫辛者金之味故用之以平木溫者春之氣故就之以入少陽一云專主往來寒熱謂其能升提風木之氣也黃芩質枯而味苦枯則能浮苦則能降君

以柴胡則入少陽矣。一云味苦而不沉，黃中帶青，有去風熱之專功，謂其能散風木之邪也。然邪之傷人常乘其虛，用人參甘草者，欲中氣不虛，邪不得復傳入裏耳。一云少陽氣血薄，全賴土膏滋養，則木氣始得發榮，卽經所謂胃和則愈之說，是以中氣不虛之人，雖有柴胡證，具而人參在可去也。邪初入裏，以風寒之外邪，挾身中有形之痰涎，結聚於少陽之本位，所以裏氣逆而煩嘔，故用半夏之辛，以除嘔逆。邪半在表，則營衛爭，故用葛棗之

辛甘以和營衛，亦所以佐人參甘草以補中氣，使半表之邪仍從肌表而散也。獨怪後世用小柴胡湯一槩除去，加入參，加入耗氣之藥，豈仲景立方本意哉。

小柴胡證病人，或渴或不渴，或嘔或不嘔，各隨人之氣體不盡同也。要在隨證以加減之。

仲景加減法

若胸中煩而不嘔者，去半夏，加入參，加栝蔞根。

錢二

若渴者，去半夏，加栝蔞根。

錢二

若腹中痛者去黃芩加炒白芍藥錢二

若心下悸動小便不利者加白茯苓錢三

若脇下痞鞭去大棗加牡蠣粉錢二

若不渴身有微熱去人參加桂錢一溫覆取微汗愈

若欬者去人參生薑加五味子錢十二乾薑錢五

近代名醫加減法

若胸膈痞滿不寬或胸中痛或脇下痞滿或脇下

痛去人參加枳殼桔梗各二錢柴胡枳殼湯

若胸中痞滿按之痛者去人參加栝蘘仁錢二枳殼

桔梗黃連

各一錢五分

名柴胡陷胸湯

若脈弦虛發熱口渴不飲水者人參倍用加麥門

冬、三、五味子

十五錢

名參胡清熱飲又名清熱生

脈湯

若脈弦虛發熱或兩尺浮而無力此必先因房勞

或曾夢遺失精或夢中還不固者加熟地黃二錢

牡蠣粉

錢一名滋陰清熱飲有咳嗽加五味子十粒

若脈弦虛發熱口乾或大便不實胃弱不實者加

白朮、白茯苓、白芍藥

各一錢五分

名參胡三白湯

若發熱煩渴脈浮弦而數小便不利大便瀉利者
加四苓散名柴苓湯內熱多者此名協熱而利
加炒黃連白芍藥錢各一腹痛倍用
若腹痛惡寒者去黃芩加炒白芍藥錢二桂一柴
胡定中湯

若血虛發熱至夜尤甚者加生地黃四物湯若口
燥舌乾津液不足者去半夏加栝蒌根麥門冬
各一錢 五味子十粒

若內熱甚錯語心煩不得眠者加黃連黃芩山梔

各一錢 名柴胡解毒湯

若脈弦長少陽與陽明合病而熱者加葛根二錢

藥一錢五分名柴葛解肌湯

若脈洪數無外證惡熱內熱煩渴飲水者合白虎湯名參胡石膏湯

三黃石膏湯五

溫病熱病熱毒表裏俱盛五心煩熱兩目如火鼻乾面赤大渴舌燥者此方主之

石膏二錢黃芩炒黃連炒黃蘗 山梔炒黑各一錢麻

黃 淡豆豉 各一錢

右用水二鍾煎至一鍾去滓溫服一加粳米一撮寒能制熱故用石膏若能下熱故用苓連梔棗佐以麻黃淡豆豉之發散者以溫熱至深表裏俱實降之則鬱揚之則越鬱則溫熱猶存兼之以發揚則炎炎之勢皆熅矣此內外分清其勢兵之分擊者也陽毒傷寒身如塗硃兩目如火燥渴欲死脈洪大昏不知人亦有錯治諸溫而成此證者緣其證表裏大熱欲治其內由表未解欲發其表則

曾經汗吐
下誤治後
熱毒熾盛
不可發汗
不可峻下
大宜此湯

裏證又急。庸醫不識。趁起不能措手。待斃而已。殊不知熱在三焦。閉澀經絡。津液枯涸。營衛不通。遂成此證耳。三黃石膏湯主之。

雙解散 六

治溫病熱病表裏大熱

防風 芒硝 連翹 川芎 麻黃 薄荷

白芍藥 當歸 大黃各五分 黃芩 桔梗

石膏各一錢 甘草二錢 荆芥 山梔 白朮各四分

滑石三錢 生薑三片

右用水三鍾煎至一鍾半去滓溫服。

防風麻黃以解表。荆芥薄荷以清上。大黃芒硝以滌腸胃。滑石梔子以通水道。石膏桔梗所以清肺胃之邪。而連翹黃芩又所以散諸經之遊火。風熱爲患。肝木主之。川芎歸芍和肝血。以息風熱。而甘草白朮又所以和胃氣。以健脾胃。土能勝濕。熱禦風火。故也。方中倍用益元者。以伏氣所蒸之濕熱。使半從肌表而泄。半從滲道而利也。大黃芒硝麻黃三味對證。旋入自利去大黃芒硝自汗去麻黃。

此係治溫熱病之主方。若邪在半表半裏，去麻黃，加柴胡、脈弱者加人參。

按溫病熱病本未，身涼不渴，小便不黃，脈不數者，未之有也。故河間以寒證爲雜病，以溫熱病爲汗病，爲大病，特立雙解散，以兩解溫熱病表裏之熱毒，以發明溫熱病與傷寒異治之秘奧。其見高出千古，足以補傷寒論之所不及。且仲景以兩感爲不治之證，傷寒之病兩感者亦少。惟溫病熱病居多，以溫熱咸從少陰發出，太陽卽是兩感，皆是熱。

溫熱病以
雙解散爲
第一方傷
寒自有桂
枝湯爲第
一方得
明白乃爾

邪亢極之證除陽證陰脈不治外惟雙解散宜散
其表和解其裏表裏並解可以救之傷寒心要以
雙解散爲第一方且云此中有古人治傷寒不傳
之妙後之學者其甚寶之信乎其可寶之也

人參敗毒散 七

治四時疫癘頭痛發熱及風痰咳嗽風濕身腫
等證

人參 錢一 羌活 錢二 獨活 錢一 前胡 錢一 柴胡 錢二 枳殼 錢一

桔梗 川芎 茯苓 各一錢 甘草 五分 生薑 三片

右用水二鍾煎至一鍾去滓溫服

羌活獨活柴胡前胡川芎皆清輕開發之劑也故用之以解壯熱用枳殼桔梗者取其清膈而利氣也用人參茯苓甘草者實其中氣使疫毒不能深入也培其正氣敗其邪氣故曰敗毒此湯乃解利太陽少陽陽明三經之藥全在詳證加減以盡其妙

九味羌活湯 八

羌活

一錢五分

防風

一錢

蒼朮

一錢

有汗

川芎

一錢

白芷

一錢

細辛

五分

生地黄

一錢內無熱者減去之

甘草

七分

黃芩

一錢內無熱口中和者去之

生薑

三片

右用水二鍾煎至一鍾去滓溫服

此湯分經而主治邪在太陽者治以羌活邪在陽明者治以白芷邪在少陽者治以黃芩邪在太陰者治以蒼朮邪在少陰者治以細辛邪在厥陰者治以川芎而防風者又諸藥之卒徒也用生地所以去血中之熱而甘草者又所以和諸藥而除氣中之熱也以上九味雖爲一方然亦不可執方當

視其經絡前後左右之不同，從其多少大小輕重之不一，增損用之，其効如神。

白虎湯 九

石膏

錢四

知母

錢二

甘草

錢一

粳米

半合

右用水三鍾，煎至一鍾，濾清服。

白虎，西方金神也。五行之理，功成者退。如秋金之令行，則夏火之炎息。此方名曰白虎，所以行清肅之令而除熱也。續論曰：白虎湯爲熱邪中暍之的方。雖爲陽明解利藥，實解胃本內蒸之熱，非治

在經之熱也。以邪熱傷胃，所以必需。若在經之邪，自有葛根湯等治法，並無藉於石膏也。所以傷寒誤用白虎黃芩熱病，誤用桂枝麻黃輕者必重，重者必死耳。長沙所主白虎及白虎加人參凡八證，皆主熱病煩渴，表裏大熱，蓋溫病熱病之邪自內出外，本非暴感風寒，故不宜發汗，又熱發於外，內邪不實，不可峻下，故宜此湯及竹葉石膏湯黃連解毒湯選用。

清暑益氣湯

十

長夏濕熱炎蒸、四肢困倦、精神減少、身熱氣高、
煩心便黃、渴而自汗、脈虛者、此方主之、

黃耆

一錢
酒炒

人參

白朮

土炒

蒼朮

泔浸
去皮

升麻

神麴

炒

陳皮

各五分

甘草

炙

當歸

麥門冬

去心

黃檗

鹽酒炒
各三分

五味子

九粒
碎

葛根

澤瀉

青皮

各二分

右水煎徐服

暑令行於夏、至長夏則兼濕令矣、故此方兼而治、
之、暑熱炎蒸、表氣易泄、而中氣者、又爲諸氣之原、

黃耆所以實表而固易泄之氣，卽兼當歸以統養脾之血，白朮神麴甘草所以調中而培諸氣之原，酷暑橫流肺金受病人參五味麥冬一以補肺一以清肺一以收肺，此三物名爲生脈散，以氣虛則脈虛，傷暑之證未有脈不虛者，故用補氣之藥以復脈，經所謂扶其所不勝也，火盛則水傷，故又以黃檗澤瀉清其化源，液亡則口渴，故又以葛根升其胃液，清氣不升，升麻可升，濁氣不降，二皮可理，蒼朮之用爲兼長夏之濕也。

大柴胡湯

十一

傷寒陽邪入裏、表證未除、裏證又急者、此湯主之。

柴胡

錢二

黃芩

錢一

芍藥

錢一

枳實

錢一

半夏

錢一

大黃

錢二

生薑

錢三

大棗

錢一

右用水二鍾、煎至一鍾、去滓溫服。

表證未除者、寒熱往來、脇痛、口苦、尚在也。裏證又急者、大便難而燥實也。表證未除、故用柴胡、黃芩以解表。裏證燥實、故用大黃、枳實以攻裏。芍藥能

和少陽半夏能治嘔逆、大棗生薑又所以調中而和營衛也、少陽寒熱往來六七日、至十餘日大便不行、腋下少陽部分汗出、方可用大柴胡微利之、緣膽無出入瀉土所以瀉木也、如八九日腋下無汗、爲膽未實、誤用承氣下之、必犯少陽之本、則胸滿驚煩、小便利、識語、一身盡重、不可轉側、又宜柴胡龍骨牡蠣湯、

按大柴胡本爲裏證已急而表證未除者立方、若用之以治溫熱病、最爲穩當、百無一失、雙解散麻

黃以發表。大黃芒硝以攻裏。爲雙解之重劑。大柴胡湯柴胡以解表。大黃枳實以和裏。爲雙解之輕劑。若內熱甚者。合黃連解毒湯。或白虎湯以治老弱及氣血兩虛之溫熱病。尤爲得宜。

五苓散 十二

治太陽膀胱本熱、小便不利、發熱、口渴、

澤瀉 猪苓 各二錢
白朮 茯苓 各二錢
五分 桂 五分

右用水二鍾煎至一鍾、濾清溫服、

按傷寒論曰、太陽病發汗後、若脈浮、小便不利、微

熱消渴者。五苓散主之。又曰。多飲暖水。汗出。愈。成
註曰。桂枝之辛甘。以和肌表。脈浮者。表未解也。微
熱消渴者。熱未成實。上焦燥也。與五苓散生津液。
和表裏。五苓散本兩解表裏之藥。今之知用桂枝
者。鮮矣。殊不知欲兼治表。必用桂枝。專用利水。則
宜肉桂。以肉桂辛熱。能引諸藥直達熱邪畜結之
處。故茯苓豬苓。苓味淡。所以滲水滌飲也。澤瀉味鹹。
所以泄腎邪止渴也。白朮味甘。所以燥脾逐濕也。
兼以桂有化氣之功。如經曰。膀胱者。州都之官。津

液藏焉。氣化則能出矣。濁陰既出下竅，則清陽自出。上竅又熱，隨溺而泄，則發熱口渴之證不治自愈。

理中湯 十三

太陰自利不渴，寒多而嘔，腹痛鳴漉，此太陰有真寒也。本方主之。

人參

錢二

甘草

錢五

白朮

錢二

乾薑

錢二

右用水二鍾，煎至一鍾，去滓溫服。

太陰者脾也。自利渴者爲熱，不渴者爲寒。脾喜溫。

而惡寒、寒多故令嘔、寒者肅殺之氣、故令腹痛、嘔
澹亦虛寒所致、病因於寒、故用乾薑之溫、邪之所
湊、其氣必虛、故用人參、白朮、甘草之補、

益元散 十四

中著身熱煩渴、小便不利者、此方主之、

滑石

六兩白
膩者

甘草

一兩

右爲細末、每服三錢、冷水、或冷飲調下、

直格曰、此藥是寒涼解散熱鬱、設病甚不解、多服、
無害、但有益耳、又曰、夫傷寒當汗、則不可下、當

下則不可汗。且如誤服此藥，則汗自不出而裏熱亦獲有効。亦有裏熱便得宣通而愈者。或半在表，或半在裏，可和解而不可吐下發汗者。若服此藥多愈，或不愈亦小減。

按河間謂服益元散有益無害，亦曾用之有驗。大抵是治溫病熱病耳。其怫熱自內而達表，故宜寒涼蕩滌其熱。至於正傷寒還須叅之脈證，不可輕用。

藿香正氣散

十五

治四時不正之氣、挾食及瘴濕、內傷外感而成

霍亂

廣藿香葉

一錢五分

白朮

厚朴

薑製

白芷

陳皮

半夏

薑製各九分

茯苓

桔梗

各一錢

大腹皮

薑湯泡洗

紫蘇葉

各一錢

甘草

炙五分

生薑

三片

大棗

一枚

右用水煎、去滓溫服

內傷者、調其中、藿香白朮茯苓陳皮甘草半夏厚朴桔梗大腹皮皆調中藥也、調中則能正氣於內矣、紫蘇白芷疏表藥也、疏表則能正氣於外矣、若

使表無風寒二物亦能發越脾氣故曰正氣此方專治傷食傷冷中暑霍亂及不習水土寒熱作瘧並宜增損用之非正傷寒之藥若病在太陽頭痛發熱骨節痛者此方全無相干如妄用之先虛正氣逆其經絡雖出汗亦不解無益而有害

按霍亂之爲病多緣飲食不節之所致大抵有寒有熱宜辯明用藥如身熱氣壯脈有力此熱霍亂也用地漿湯益元散便可取効若用正氣散可加酒炒苓連如身不熱氣餒脈無力此寒霍亂也宜

用理中湯若用正氣散可加乾薑甚者加桂附愚
於長夏用桂附治寒霍亂得愈者不知幾多人矣
有謂霍亂有熱而無寒者誤也

四逆湯 十六

太陰自利不渴陰證脈沉身痛與夫厥逆下利
脈不出者此方皆主之

附子

生用
二錢

乾薑

二錢

甘草

炙二錢

右用水二鍾煎至一鍾去滓溫服一云宜涼服經
日治寒以熱涼而行之否則戴陽者反增上燥耳

自口鼻出血者有之矣可不慎哉

此方通治三陰脈沉惡寒手足逆冷之證故取附子之生者上行頭項外徹肌表以溫經散寒乾薑亦用生者以內溫藏府甘草獨用炙者以外溫營衛內補中焦也 瓊言曰仲景云病發熱頭痛脈反沉若不瘥身體疼痛者當救其裏宜四逆湯此證出太陽篇又云少陰病始得之反發熱脈沉者麻黃附子細辛湯此證出少陰篇竊詳太陽病發熱頭痛法當脈浮今反沉少陰脈沉法當無熱今

反熱伸景於此兩證各言反者謂反常也蓋太陽病脈似少陰少陰脈病似太陽所以謂之反而治之當異也今深究其旨均是脈沉發熱以兼有頭痛故謂太陽病陽證當脈浮今反不浮者以裏虛久寒正氣衰微所致又身體疼痛故宜救裏使正氣內強逼邪外出而乾薑生附子亦能出汗而解假使裏不虛寒則當見脈浮而正屬太陽麻黃證也均是脈沉發熱以其無頭痛故名少陰病陰病當無熱今反熱寒邪在表未傳在裏但皮膚腠理

鬱閉爲熱。知在裏無熱。故用麻黃細辛以發表。問
之熱。附子以溫少陰之經。假使寒邪入裏。則外必
無熱。當見吐利厥逆等證。而正屬少陰。因逆湯證
也。由此觀之。表邪浮淺發熱之反。猶輕。正氣衰微
脈沉之反。爲重。此四逆爲劑。不爲不重於麻黃附
子細辛湯也。又可見熟附配麻黃發中有補。生附
配乾薑補中有發。此實證治之奇異。製方之精微
學者其致思焉。

黃芩湯附批

太陽與少陽合病必自下利者此方主之

黃芩

三錢

炙甘草

二錢

芍藥

二錢

棗

一枚

擘

右用水煎去滓溫服

太陽與少陽合病者有太陽證頭痛身熱脊強而
又有少陽證耳聾脇痛寒熱往來嘔而口苦也必
自下利者表實裏虛邪熱漸攻於裏故也若太陽
與陽明合病自下利爲在表當與葛根湯發汗陽
明與少陽合病自下利爲在裏可與承氣湯下之
此太陽少陽合病自下利爲半表半裏非汗下所

宜故與黃芩湯師曰虛而不實者苦以堅之酸以收之故與黃芩芍藥以堅斂腸胃弱而不實者甘以補之故用甘草大棗以補益腸胃溫病熱病始發即可用黃芩湯去熱爲主傷寒傳至少陽熱邪漸次入裏方可用黃芩佐柴胡和解之此溫熱病與傷寒異治之大要也

柴芩湯 十八

小柴胡湯合五苓散

此藥惟表證不治邪傳半表半裏及內傷發熱雜

病發熱無不治之

葛根湯 十九

傷寒二三日、慄然壯熱、頭額痛、鼻乾、目痛、不得臥、無汗、尺寸脈俱長、或太陽陽明合病、無汗惡風、脈浮而長、並此方主之。

葛根

四錢

麻黃

三錢

桂枝

二錢

芍藥

二錢 炒

甘草

一錢

生薑

五片

大棗

二枚

右用水二鍾、煎至一鍾、去滓、溫服、取微汗。

太陽與陽明合病、必自下利、下利裏證也、今之虛

醫者曰漏底傷寒不治仲景則以此方主之蓋以邪氣併於陽則陽實而陰虛陰虛故下利也與此湯以散經中表邪則陽不實而陰氣平利不止而自止也斯妙也惟明者知之

大羌活湯 二十

傷寒兩感者此方主之

羌活錢一獨活錢一防己酒洗防風 黃連酒洗黃芩酒炒

蒼朮酒浸炒白朮 川芎 細辛 甘草炙各六分

生地黄錢三知母錢一生薑錢三大棗二枚

右水煎熱服

凡兩感之證、欲汗之則有裏、欲下之則有表、表裏不能一治、故內經仲景皆稱必死、而無治法、易者意曰、證雖有表裏之殊、而無陰陽之異、傳經者皆爲陽邪、一於升陽散熱、滋養陰藏、則感之淺者、尙或可平、經曰、氣薄則發泄、故用羌活獨活防風、蒼朮細辛川芎之氣薄者、以升發其傳經之邪、又曰、寒勝熱、故用黃連黃芩生地知母之苦寒者、以培養其受傷之陰、以升散諸藥、而臣以寒涼、則升者

不峻以寒涼諸藥而君以升散則寒者不滯白朮
甘草脾家藥也用之者所以益其脾胃而建中營
之幟爾嗚呼於不可治之中而求爲可治之策大
羌活者其萬死一生之藥乎陶節菴去防己二
朮連知加柴胡白芷石膏黑豆兩感有表裏之殊
無陰陽之異傳經者皆爲陽邪一於升陽散熱滋
養陰藏則感之淺者或可平此方較易老爲優
按傷寒病兩感者極少惟溫病熱病佛熱自內而
達於外兼見表證卽是兩感內經仲景皆稱必死

故河間以爲汗病大病特立雙解散等方以兩解
溫熱病表裏兩感之熱毒藥味專精非大羌活等
所可望其萬一也

涼膈散

二十

火鬱上焦大熱面赤者此方主之

黃芩

炒酒

梔仁

炒黑

薄荷

連翹

大黃

酒浸

芒硝

各二錢

甘草

五分

右用水二鍾煎至八分次下芒硝去滓溫服原作
末湯調下五錢

黃芩、梔子、味苦而無氣，故瀉火於中。連翹、薄荷、味薄而氣薄，故清熱於上。大黃、芒硝、鹹寒而味厚，故諸實皆瀉之。用甘草者，取其性緩而戀膈，也不作湯液而作散者，取其泥膈而成功於上也。

調胃承氣湯

二十

傷寒陽明證，俱不惡寒，反惡熱，大便秘，讞語脈實者，此方主之。

大黃

三錢
酒浸

芒硝

二錢

甘草

一錢

右用水二鍾，煎至一鍾，去滓溫服。

小承氣湯

三二十

傷寒腹脹滿潮熱狂言而喘此方主之

大黃

四錢

厚朴

一錢

枳實

一錢

右用水二鍾煎至一鍾去滓溫服

大承氣湯

四二十

傷寒胃實譫語五六日不大便腹痛煩渴及少

陰口燥咽乾日晡發熱三焦邪盛此方主之

大黃

四錢

酒洗芒硝

二錢

厚朴

二錢

枳實

一錢

右用水二鍾煎至一鍾去滓溫服

海藏云。仲景承氣湯。有大小調胃之殊。今人以三一承氣。不分上下。緩急用之。豈不失仲景本意。大熱大實。用大承氣。小熱小實。用小承氣。實熱尙在胃中。用調胃承氣。以甘草緩其下行。而祛胃熱也。若病大用小。則邪氣不伏。病小用大。則過傷正氣。病在上而用急下之劑。則上熱不除。豈可一槩泥治哉。

升麻葛根湯

二十

傷寒傳陽明經。身熱目痛鼻乾。不得臥。若無汗。

尚惡寒者此方主之、並治小兒瘡疹、四時疫癘、

升麻 葛根 白芍藥 甘草 各二錢

右用水二鍾煎至一鍾去滓溫服

桃仁承氣湯二十

傷寒外證已解、小腹急、大便黑、小便利、其人如狂者、畜血也、此方主之、

桃仁 十枚 桂 甘草 各一錢 大黃 二錢五分 芒硝 一錢五分

右用水二鍾煎至一鍾去滓內硝煎一二沸溫服

外證已解者無頭痛發熱惡寒也小腹急者邪在下焦也大便黑者瘀血漬之也小便利者血病而氣不病也上焦主陽下焦主陰陽邪居上焦者名曰重陽重陽則狂今瘀熱客於下焦下焦不行則干上部清陽之分而天君弗寧矣故其證如狂桂枝辛物也能利血而行滯君以桃仁硝黃則入血而助下行之性矣

參胡三白湯

二十七

治傷寒過經不解脈虛數人弱發熱或潮熱口

乾舌燥

人參

一錢五分

白朮

一錢五分

柴胡

二錢

白芍藥

白茯苓

各一錢五分

右用水二鍾煎至一鍾去滓溫服若脈微弱口渴心煩不安加麥門冬五味子若心煩熱口苦心下痞加黃連枳實若不得眠加竹茹

黃連解毒湯

二十

治大熱乾嘔譫語呻吟不眠

黃連

二錢

黃芩

黃蘗

梔子

各一錢

右用水二鍾煎至一鍾去滓溫服

六味地黃丸料二十

九

熟地黃

自製者
四錢

山茱萸

一錢
山藥一錢

白茯苓

一錢

牡丹皮

一錢
澤瀉五分

右用水煎服

人參三白湯三十

治汗下後虛弱少氣發熱口燥

卽參胡三白湯去柴胡

人參竹葉湯三十

治傷寒過經、煩熱不解

人參

錢二

竹葉

葉十四

麥門冬

錢一五分

甘草

錢一

黃芩

錢一

柴胡

錢二

右用水二鍾、煎至一鍾、去滓溫服

參胡溫膽湯

三十

治傷寒過經不解、嘔而痞悶

人參

柴胡

茯苓

梔子

各一分

錢

甘草

六分

半夏

薑製

枳實

炒各一錢

生薑

三片

右用水煎溫服

之則散爲無根之脈。以此湯加人參治之。

乾薑

二錢

附子

三錢

右用水煎服

按此卽四逆湯。減去甘緩之甘草。其爲回陽重劑。可知。若加增藥味。反牽制其雄悍之力。必致迂緩無功。陽回卽可用平補藥。陽旣安堵卽宜休養。其陰切勿過用辛熱。轉生他患也。

陽毒升麻湯

三十
六

治傷寒一二日便成陽毒。或服藥後變成陽毒。

煩悶不安、面赤、狂言奔走、或見鬼、或下利、脈浮大數、面赤斑斑如錦紋、咽喉痛、下膿血、五日可治、七日不可治。

升麻

一錢五分

犀角

鎊

射干

黃芩、人參

甘草

各八分

右用水二鍾、煎至一鍾、去滓溫服。

黑參升麻湯

三十

治陽毒咽痛、或發斑。

黑參

升麻

各一錢五分

甘草

八分

右用水煎去滓溫服 一方加桔梗

大黃散

三十
八

治陽毒傷寒未解熱在內恍惚如狂

大黃

二錢

桂心

六分

甘草

炙

苦硝

大腹皮

木通

各一錢

桃仁

七枚

右用水煎服以利爲度

真武湯

三十
九

傷寒發汗過多其人心下悸頭眩身瞶振振欲

擗地此方主之及陰證脈沉身痛少陰腹痛

小便不利

附子

二錢

生薑

三錢

白朮

一錢

茯苓

芍藥

各二錢

右用水二鍾煎至一鍾去滓溫服

汗多而心下悸此心亡津液腎氣欲上而凌心也
頭眩身暈振振欲擗地此汗多亡陽虛邪內動也
真武北方之神司水火者也今腎氣凌心虛邪內
動有水火奔騰之象故名此湯以主之茯苓白朮
補土利水之物也可以伐腎而療心悸生薑附子
益衛回陽之物也可以壯火而祛虛邪芍藥之酸

收陰氣也。可以和營而生津液。用芍藥者。以小便利。不利則知其人不。但真陽不足。真陰亦已素虧。若不用芍藥。固護其陰。豈能勝附子之雄悍乎。

霹靂散

四十

治陰盛格陽。身冷脈沉。燥渴欲飲水而不能飲。

附子

炮去皮筋管未用五錢

真蠟茶

一錢五分

同研

右分二服。水煎去滓。入蜜少許。放冷服之。須臾躁止。得睡汗出。卽瘥。

麻黃附子細辛湯

一四十

少陰病始得之反發熱脈沉者此方主之

麻黃

細辛

附子

各二錢

右用水二鍾煎至一鍾去滓溫服

病發於陰者當無熱。今少陰病始得之。何以反發熱也。此乃太陽經表裏相傳之證故耳。蓋太陽膀胱經與少陰腎經相爲表裏。腎經虛則太陽之邪由絡直入腎藏。餘邪未盡入裏。故表有發熱。真寒入腎。故裏有脈沉。有太陽之表熱。故用麻黃以發汗。有少陰之裏寒。故用辛附以溫中。三陰之表法。

與三陽不同三陰必以溫經之藥爲表故麻黃與附子合用方是少陰表法之正也。按傷寒兩感爲少此卽太陽少陰之兩感也麻黃附子同劑治法委是奇特學者可以綱領而長之。且傷寒兩感宜麻黃附子細辛湯此仲景治法溫病熱病兩感宜雙解散此河間補仲景之治法二方者正傷寒與溫熱病異治之大例也從此研究治傷寒其庶幾乎。

當歸四逆湯

四十

治手足厥寒脈細欲絕

當歸

桂枝

芍藥

細辛

各一錢

甘草

通草

各七分

大棗

十二枚

右用水二鍾煎至一鍾去滓溫服

手足厥寒脈細欲絕似乎陰寒之極蓋緣陽邪流

入厥陰營分以本虛不能作熱故脈細欲絕也此

謂陰

陰經也

鬱陽邪故用桂枝細辛以解表芍藥甘

草以泄熱當歸以和厥陰之營血通草以通太陽

之本使陽邪得從外解本非治陰寒四逆之藥也

故藥中宜歸芍以濟陰。不宜薑附以劫其陰。證固手足厥寒。脈細欲絕。設其人陰血更虧於陽。不能勝辛熱者。又宜當歸四逆和營透表兼疏利膀胱。是證也。自表入裏。雖日傳至厥陰。始終只是陽證。與寒邪直中三陰不同。故不用薑附輩。而用桂枝湯加當歸。細辛通草。爾明者自得之。

按細辛爲少陰經藥。隨桂枝湯以解表。加當歸以和營血。至於通草甘淡微寒。能泄丙丁。能通水道。爲虛寒者禁用。此湯治法。本是和營血以復脈使。

陽邪得從肌表而散。或從膀胱而泄也。若循其名以治陰寒之四逆。則謬甚矣。觀於論曰。若其人素有久寒者。宜當歸四逆湯。加吳茱萸。生薑湯。主之。正如四逆散本以散傳經之熱邪。腹中痛者。方加附子。則當歸四逆湯。非治陰寒四逆之藥也。明矣。再按。有等固守王道之醫。辨證不明。遇有厥逆脈細之證。不敢用薑附等藥。但日用當歸四逆湯。極為穩當。殊不知當歸四逆湯。本桂枝湯全方。加細辛。通草。當歸耳。細辛隨桂枝湯。止能解表。通草又

細辛治邪在裏之表
故伸景少陰證用麻黃附子細辛湯

爲疏泄最有力之藥。當歸一味果足以治陰寒。四逆耶。藥不對證。果可謂之穩當耶。甚矣其不明於製方之理。而以舛劑誤病也。愚所云用方貴明其所以然者。正此之謂也。

附子湯

四十

少陰病、口中和、背惡寒者。此方主之。少陰病、身體痛、手足寒、骨節痛、脈沉者。亦此方主之。

人參

一錢

白芍藥

白朮

茯苓

附子

生用各二錢

右用水二鍾煎至一鍾去滓溫服

傷寒以陽爲主，上件病皆陰盛幾於無陽矣。辛甘皆陽也，故用附朮參苓以養陽。辛溫之藥過多則恐有偏陽之弊，故又用芍藥以扶陰。經曰：火欲實，水當平之。此用芍藥之意也。

甘草附子湯

四十一

治風濕，小便不利，大便反快。

甘草

炙

附子

各一錢

白朮

桂枝

各一錢五分

右用水二鍾，煎至一鍾，去滓溫服。

論曰：風濕相搏，骨節煩痛，掣痛不得屈伸，汗出短

氣小便不利惡風不欲去衣微腫者此湯主之
註曰桂枝甘草之辛甘散風邪而和衛附子白朮
之辛甘解濕氣而溫經

竹葉石膏湯

四十
五

治陽明汗多而渴、衄而渴、欲飲水、水入即吐、並
傷寒解後虛羸少氣、氣逆欲吐

竹葉

二十
个

麥門冬

人參

各一
錢

甘草

四
分

石膏

二
錢

半夏

八
分

粳米

一
撮

右用水二鍾、煮米熟去滓、溫服

補中益氣湯

四十

人參

錢一

甘草

炙三分

黃耆

炙一錢五分

當歸

白朮

炒

陳皮

各五分

柴胡

五分

升麻

三分

右用水煎服、

丹溪以四時感冒、通宜補散、故用補中益氣湯、加

減治療、

黃耆建中湯

四十

治傷寒汗出惡風、微惡寒者、表未解也、並治衛

虛不能作汗、虛勞裏虛諸不足、

黃耆一錢五分 芍藥二錢 桂枝一錢 甘草六分 生薑五片

棗二枚 錫糖五錢

右水煎去滓溫服

當歸六黃湯四十

治陰虛盜汗

當歸 生地黃 熟地黃 黃芩 黃連

黃芩各等分 黃耆倍用

右用水煎去滓溫服

厚朴生薑甘草半夏人參湯四十

九

陽明病中寒不能食，小便不利，手足濇然汗出者，此欲作痼瘕，大便必初鞭後溏，此胃中虛冷，水穀不別故也。痼瘕者，寒氣結而爲積也。此方主之。

厚朴

三錢

甘草

一錢

半夏

一分

人參

七分

生薑

五片

右用水二鍾，煎至一鍾，去滓溫服。

茵陳五苓散

五十

治頭汗出發黃

五苓散

三錢

茵陳蒿

二錢

右用水煎去滓服

小半夏茯苓湯

一五十

治心下滿頭汗出水結胸

半夏

三錢

赤茯苓

二錢

右用水煎去滓入薑汁二茶匙溫服

葛根蔥白湯

五十

治頭痛衄血

葛根

芍藥

知母

川芎

各一錢

生薑

三片

蔥白

五寸

右用水煎去滓溫服

吳茱萸湯

五十三

治厥陰頭痛嘔而吐沫少陰犯真寒吐利手足厥冷煩躁欲死

吳茱萸

湯泡去苦水

生薑

各三錢

人參

一錢

棗

一枚

右用水煎去滓溫服

厥陰者肝也寒氣內格故嘔而吐沫厥陰與督脈會於巔故頭痛少陰犯真寒者足少陰腎藏中寒則上格乎陽而爲吐經曰腎通二便腎寒則大便

不禁而爲利手足得陽而溫受寒於內者內有陰
寒故令手足厥冷煩躁者陰盛格陽故令陽煩而
陰躁斯其證亦危矣故欲死吳茱萸辛熱而氣厚
專主開豁胸中逆氣經曰氣爲陽氣厚爲陽中之
陽故能走下焦而溫少陰厥陰佐以生薑散其寒
也佐以人參大棗補中虛也

八物湯

五十四

治氣血兩虛頭痛

人參 白朮 白茯苓 當歸 川芎 白芍

熟地黃 甘草 炙

右用水煎去滓服

二陳湯

五十

治痰證頭痛

半夏 陳皮 茯苓 甘草

右用水煎去滓服

茯苓 桂枝 甘草 白朮 湯

五十

治筋惕肉瞤兼肢冷

茯苓

三錢

桂枝

一分

甘草

白朮

各一錢

右用水煎去滓溫服

陽不足者補之以甘、茯苓、白朮生津液而益陽、裏氣逆者散之以辛、桂枝、甘草行陽散氣、

人參養榮湯

五十七

治傷寒汗下後筋惕肉瞤

人參

黃耆

炙

陳皮

白芍藥

酒炒

當歸

酒洗

甘草

炙

白茯苓

五味子

研

遠志

白朮

炒

桂心

熟地黄

右用水煎去滓溫服

加味溫膽湯

五十一

治傷寒汗後虛煩不眠、筋惕肉瞤、並治過經不解、嘔而痞悶、

人參 茯苓 橘皮 甘草 炙 半夏 薑 枳實

熟地黃 酸棗仁 遠志 去 五味子 生薑 三

右用水煎去滓溫服

普濟消毒飲

五十九

治天行大頭疫癘、

柴胡 一錢二分 黃連 酒炒 黃芩 酒炒 黑參 連翹 鼠粘

子炒升麻 白芷 桔梗 甘草 馬勃各一錢

殭蠶

炒七分

板藍

一錢如無青黛代之

一方無白芷有人

參陳皮 氣虛脈弱加人參 薛立齋曰仍當因

胃氣便秘加酒大黃

右用水煎去滓食後徐徐服

增損通聖消毒散 六十

凡頭面腫盛、日不開、鼻塞、悶口乾、舌燥、內外有熱、或咽喉腫痛不利、或裏實、大便秘結、其脈洪數者、此方主之

防風 荆芥 連翹 川芎 芍藥 當歸

薄荷

黃芩

酒炒

山梔

炒

滑石

石膏

桔梗

芒硝

內虛食少者不用

大黃

酒浸便瀉者不用

麻黃

白汗者不用

甘草

牛旁子

炒

右用水煎去滓緩服

加人中黃尤妙

麻黃防風疏表藥也、熱毒之在表者由汗而泄、大黃芒硝攻裏藥也、熱毒之在裏者由下而泄、荆芥薄荷清上藥也、熱毒之在巔頂者由鼻而泄、滑石梔子清下藥也、熱毒之在決瀆者由溺而泄、乃石

膏桔梗又所以清肺胃而連翹黃芩又所以去諸
經之客熱也熱毒灼其血則川芎當歸芍藥可以
養之熱毒傷其氣則白朮甘草可以益之此通聖
散之治法去白朮加牛蒡子蓋清咽喉消腫之急
治也

大陷胸湯

六一

治大結胸手不可按

大黃

三錢

芒硝

二錢

甘遂末

二分

右用水二鍾先煎大黃至一鍾去滓內芒硝煎一

兩沸內甘遂末和勻服得利則止

小陷胸湯

六十

治小結胸手按而痛

黃連

一錢五分

半夏

三錢

栝蒌實

四錢

右用水二鍾先煎栝蒌實至一鍾內諸藥煎八分

去滓溫服

枳實理中丸

六十

治寒實結胸

枳實 乾薑

白朮

甘草

人參

各一兩

茯苓一兩

右爲細末煉蜜丸如雞子黃大以熱湯化服一丸如腹中熱則胸中豁然矣腹中未熱益至二三丸然不及湯服更好脈沉寒甚者須加附子

桔梗枳殼湯

六十

治痞證胸滿不痛

桔梗

枳殼

各三錢

右用水二鍾煎至一鍾去滓溫服

大黃黃連瀉心湯

六十

治心下痞。按之濡。其脈關上浮。

大黃

三錢

黃連

一分

右二味以麻沸湯漬之。須臾絞去滓。溫服。

活人書云。湯液論有黃芩。共三味。今無者。恐傳寫之訛也。又保命集無黃芩。有甘草。

李時珍曰。仲景治心下痞滿。按之軟者。用大黃黃連瀉心湯。此亦瀉脾胃之濕熱。非瀉心也。病發於陽而反下之。則作痞滿。乃寒傷榮血。邪氣乘虛結於上焦。胃之上脘在於心。故曰瀉心。

半夏瀉心湯

六十一

治傷寒誤下過蚤遂爲心下痞滿而嘔不痛者

半夏

一錢五分

乾薑

一錢五分

甘草

一錢五分

人參

一錢五分

黃芩

一錢五分

黃連

一錢

棗

二枚

右用水二鍾煎至一鍾去滓溫服

附子瀉心湯

六十二

治心下痞而復惡寒汗出者

大黃

二錢

黃連

一錢

黃芩

各一錢

附子

泡去皮二錢
另炙取汁

枳實切四味以百沸湯一鍾乘熱漬之一時許

殺出津內附子汁溫服。

心下痞。故用三黃以瀉痞。惡寒汗出。故用附子以回陽。無三黃則不能去痞。熱無附子恐三黃益損其陽。熱有附子寒有三黃。寒熱互用。斯爲有制之兵矣。仲景誠醫家之善將將者也。俗醫用寒則不用熱。用熱則不用寒。何異於膠柱而調瑟乎。

續論曰。按瀉心湯諸方。皆治汗下後表解裏未和之證。其生薑甘草半夏三瀉心。是治痰濕結聚之痞方。中用半夏生薑以滌痰飲。黃芩黃連以除濕。

熱入參甘草以助胃氣。乾薑炮黑以滲水濕。若但
用苦寒治熱。則格拒不入。必得辛熱爲之嚮導。是
以乾薑半夏在所必需。若痞極鞭滿。暫去人參氣
壅。上升生薑勿用。痞而不鞭。仍用人參。此一方出
入而有三治也。其大黃附子二瀉心。乃治陰陽偏
勝之痞。一以大黃黃連滌胸中素有之濕熱。一加
附子兼溫經中驟脫之虛寒也。用沸湯漬絞者。取
寒藥之性。不經火而力峻也。其附又必煎汁取寒
熱各行其性耳。仲景立方之妙。無出乎此。以大黃

黃連滌除胸中之邪熱。卽以附子溫散凝結之陰寒。一舉而寒熱交結之邪盡解。詎知後人日觀其方。而心眩也。

按瀉心諸方。人所易曉。惟大黃附子二瀉心。具有妙用。不可不透悟也。大黃黃連瀉心湯。孰不以爲治心下之痞熱也。竊詳傷寒論曰。心下痞。按之濡。其脈關上浮者。大黃黃連瀉心湯主之。成註曰。心下。鞭按之痛。關脈沉者。實熱也。按之濡。其脈關上浮者。虛熱也。大黃黃連以導其虛熱。故不用煎煮。

生薑瀉心湯

六十八

甘草

三兩

人參

三兩

乾薑

一兩

半夏

半升
洗

黃連

一兩

黃芩

三兩

生薑

四兩

大棗

十二枚

右八味以水一斗。煮取六升。去滓再煎。取三升。溫服。一升。日三服。

方解名生薑瀉心湯者。其又重在散水氣之痞也。生薑半夏散脇下之水氣。人參大棗補中州之土虛。乾薑甘草以溫補裡寒。黃芩黃連以瀉痞熱。備乎虛水寒熱之治。胃中不和下利之痞焉。有不愈。

者乎。

甘草瀉心湯

九十

方以甘草命名者。取利緩之意也。用甘草大棗之
甘。補中之虛。緩中之急。半夏之辛。降逆止嘔。苓連
之寒。瀉陽陷之痞。熱乾薑之熱。散陰結之痞。寒緩
中降逆。瀉痞除煩。寒熱並用也。

射干洗各 乾薑二錢 半夏洗各 黃芩 黃連各

伏龍肝二錢

右用水二鍾煎至一鍾去滓溫服

桂枝人參湯七十 卽理中加桂枝

治太陽下之發熱邪乘虛而入裏虛遂快
利心下痞鞭表裏不解

桂枝 甘草各二錢 人參 白朮 乾薑各

右用米煎去滓溫服

犀角地黃湯七計

實治畜血喜忘如狂大便黑漱水不欲嚥

犀角一錢

鎊

生地黄

四錢

牡丹皮

芍藥

各錢

右用水煎去滓溫服

詳此藥惟胃有實熱吐血者可用至於衄血、
絡中遊火亦非所宜、但以傷寒衄血、則是熱
絡、故可借用、以泄其暴熱、若虛勞久病、斷不
唇也

桂枝加芍藥湯

七十

治太陽病下之蚤因而腹痛

桂枝湯加芍藥一倍

右水煎去滓溫服

黃連湯

七十
三

治胸中有熱、胃中有邪氣、腹中痛、欲嘔吐、

黃連炒 乾薑炒 桂枝 甘草各三錢 人參二錢

半夏

一錢 棗二枚

右用水煎去滓溫服

傷寒邪氣傳裏而爲下寒上熱也、胃中有邪氣、使
陰陽不交、陰不得升而獨滯於下、爲下寒、腹中痛、

陽不得降而獨鬱於上爲胸中熱欲嘔吐故黃連
之苦以泄上熱而降陽薑桂半夏之辛以散中寒
而升陰參草大棗可緩中急而益胃是方也寒熱
並用猶奇正之相倚耳此分理陰陽和解上下之
正治也。

四逆散

七十
四

治少陰咽痛本治少陰病四逆爲熱邪自陽經
入裏而發厥

甘草

炙

枳實

水漬
炙乾

柴胡

芍藥

各等
分

右爲細末每服三錢米飲調服日三服

此陽邪傳至少陰裏有結熱則陽氣不能交接於四末故四逆而不溫用柴胡所以升陷內之陽邪枳實所以破內滯之結熱甘草和其不調之氣芍藥收其失位之陰是證也雖曰陽邪在裏慎不可下蓋傷寒以陽爲主四逆有陰進之象若復用苦寒之藥下之則陽益虧矣是在所忌論曰諸四逆者不可下此之謂也

按四逆散本治熱邪傳陰

陰經也

之四逆論曰腹中

痛者加附子。清滌中又加附子。人未有不致疑者。竊詳四逆散腹痛加附子與附子瀉心湯同義。蓋傷寒以陽爲主。熱證固當用蕩滌之法。熱證中但兼虛寒。又不可不急作救療。如附子瀉心湯。心下痞滿。固當用大黃黃連以導除其熱。若惡寒汗出。則附子之回陽。又何可緩也。故四逆散熱邪傳至陰經而四逆。固當用枳實柴胡以清解其熱。若兼裏虛。遇邪而腹痛。則附子之溫經益陽。又何可緩也。寒熱各行其性。此仲景製方之妙。况傷寒始病。

熱中末傳寒中者極多四逆雖屬熱證已有陰進之象兼之腹中痛則其加附子也不亦宜乎

甘草湯

七十
五

少陰病二三日咽痛此湯主之

甘草

二錢

右用水煎去滓溫服

桔梗湯

七十
六

服甘草湯不瘥者此湯主之此湯爲陰陽通用

之藥

桔梗

錢二

甘草

錢一

右用水煎去滓溫服

參蘇飲

七十

治感冒風寒、頭痛發熱、咳嗽唾痰、或中脘停痰、增寒發熱狀似傷寒、並宜服之。

人參

紫蘇葉

葛根

前胡

陳皮

枳殼

半夏

茯苓

各八分

木香

桔梗

甘草

各五分

生薑

五片

棗

一枚

右用

至一鍾去滓溫服

橘皮竹茹湯七十

治胃虛有熱呃逆

橘皮二錢

竹茹二錢

甘草一錢

人參五分

棗一枚

生薑五片

一方有半夏一錢
湯洗

右用水二鍾煎至一鍾去滓溫服

小青龍湯七十

傷寒表不解心下有水氣嘔噦發熱而欬或渴

或利或小便不利小腹滿而喘此方主之

麻黃各一錢

桂枝五分

芍藥五分

甘草五分

乾薑五分

細辛

各五分

五味子

十二粒

半夏

一錢

右用水二鍾煎至一鍾去滓溫服

桂枝加厚朴杏仁湯 八十

太陽病誤下微喘脈促者表未解也此方主之

桂枝

三錢

芍藥

三錢

甘草

二錢

杏仁

六個去皮尖

厚朴

二錢製

生薑

二錢

大棗

二枚

右用水二鍾煎至一鍾去滓溫服

麻黃杏仁甘草石膏湯

一八十

治太陽汗後喘表邪未解

麻黃

四錢

杏仁

七個

甘草

二錢

石膏

八錢

右用水二鍾先煮麻黃減一鍾去上沫內諸藥煎取八分去滓溫服

葛根黃芩黃連湯

八分

太陽病誤下脈促者表未解也喘而汗出者此
八方主之

葛根

二錢

黃芩

二錢

黃連

二錢

甘草

二錢

若用冰二鍾煎至一鍾去滓溫服

此湯治太陽病因下而汗出也即裏熱氣逆所致與

此湯以散表邪除裏熱

五味子湯

八十
三

治喘而脈伏

人參

二錢

五味子

十五粒

麥門冬

二錢

杏仁

一錢

陳皮

二錢

生薑

七片

大棗

二枚

右用水煎去滓溫服

蘇沉九寶湯

八十
四

治暴感風寒脈浮無汗而喘

桑白皮

甘草

大腹皮

官桂

麻黃

薄荷 陳皮 紫蘇 杏仁 烏梅 生薑

右用水煎去滓溫服

葛根加半夏湯

八十五

治太陽陽明合病下利而嘔

葛根

三錢

麻黃

二錢去節湯泡
去黃汁焙乾

桂枝

芍藥

甘草

炙各一分
錢五分

半夏

二錢洗

生薑片

大棗

二枚

右水煎去滓溫服覆取微汗

黃芩加半夏生薑湯

八十六

治太陽少陽合病自利而嘔

黃芩

三錢

甘草

炙二錢

芍藥

二錢酒洗

半夏

二錢洗

生薑

五片

大棗

二枚

右水煎去滓溫服

乾薑黃連黃芩人參湯

八十七

治曾經吐下後因成寒格吐證

乾薑

黃連

黃芩

人參

各三兩

右四味以水六升煮取二升去滓分溫再服

成註曰乾薑人參之甘辛以補正氣黃連黃芩之苦寒以通寒格
續論曰仲景之意以本自寒下

醫復吐下治之爲逆故用乾薑以溫裏黃連黃芩
反佐以取之人參補正氣也

按證旣曰本自寒下醫復吐下因成寒格用芩連
者不過反佐以取之不令格拒熱藥耳若四味等
分乾薑人參之辛甘不能敵黃連黃芩之苦寒必
至嘔逆愈甚此必傳寫之訛如薑參各三兩芩連
不過各五錢庶爲近之又按仲景白通加豬膽汁
湯於乾薑附子葱白中加人尿豬膽汁便可去格
拒之寒未嘗多用苦寒之味又昔賢以白通附子

等湯。用涼水浸冷與服。熱藥冷服便可去格拒之寒。亦何嘗過用苦寒耶。

白通湯

八十

少陰下利此方主之

葱白

三莖

附子

三錢

乾薑

一錢

五分

右用水煎去滓溫服

少陰屬腎水藏也。得天地閉藏之令。主禁固二便。寒邪居之。則病而失其體矣。故下利。葱白所以通陽氣也。薑附所以散陰寒也。是方也能散陰而通

陽故仰。葱白而名曰白通。下利無陽證者，絢陰也。象恐陰盛而格絕其陽，最急之兆也。故於四逆湯中去甘草之緩，而加葱白於薑附之中，以通其陽而消其陰，故曰白通。

白通加人尿豬膽汁湯

八十九

治少陰下利脈微者，與白通湯，利不止，厥逆無脈，乾嘔煩者，此方主之。

葱白

三莖

附子

三錢

乾薑

一錢五分

童便

半合

豬膽汁

三匙

已上三味以水二鍾煎取一鍾去滓內膽汁人尿

和令相得溫冷而服

少陰下利脈微。此少陰有真寒也。故與白通湯散
陰復陽。若利不止。厥逆無脈乾嘔煩者。乃寒盛格
拒乎陽。藥不能達於少陰。而陽逆亂於上故也。薑
附非煩者之所宜。必嘔而不納。故加人尿膽汁。俟
溫冷而服。取其苦寒與陰相類。可以引薑附入格
拒之寒。而調其逆。內經曰。必同其氣。可使平也。正
此之謂。入腹之後。冷體既消。熱性便發。病氣隨去。
煩嘔皆除。情且不違。而致大益。此奇正相伏之兵。

也。惟明者知之。其服湯脈暴出者。正氣因發泄而脫也。故死脈微續者。陽氣漸復也。故生。

茯苓四逆湯

九寸

治汗下後煩躁不得眠。

茯苓

三錢

人參

附子

乾薑

各一錢

甘草

七分

右用冰煎法。滓溫服。

梔子鼓湯

九寸

治發汗吐下後。反覆顛倒。心中懊憹。

梔子

十四枚

香豉

五錢

右用米二鍾先煎梔子至一鍾內豉同煎至七分去滓溫服得吐止服

梔子湧膈上虛熱香豉散寒熱惡毒能吐能汗爲汗下後虛煩不解之聖藥若嘔則加生薑以滌飲少氣則加甘草以緩中心煩腹脹則去香豉而加枳朴邪在上而不在下也丸藥傷胃則去香豉而加乾薑湧泄而兼安中之意也故欲湧虛煩必先顧慮中氣所以病人素有微溏者有不可吐之戒

茯苓甘草湯

九十

治水氣乘心振寒自汗不渴

茯苓

桂枝

各二錢

甘草

一錢

生薑

五大片

右水煎去滓溫服

汗出不渴邪氣但在表而表虛也與此湯以茯苓甘草之甘益津液而和衛桂枝生薑之辛助陽氣而解表

炙甘草湯

九十

治脈結代心動悸

甘草

二錢

桂枝

一錢五分

人參

一錢

生地黃

三錢

麥門冬

錢二

麻子仁

錢二

阿膠

錢二

生薑

五片

棗

二枚

擘

右用清酒與水各半。先煎八味。去滓。內膠。烱消盡。溫服。

按脈代心悸。蓋由血虛氣衰。不能相續也。緣其人汗下不解。真陰衰竭。津液枯槁。滋陰之藥。必當倍於補氣。故人參甘草桂枝。葶藶。棗。補益中氣。調和營衛。生地黃。麥門冬。麻仁。阿膠。藥味既多。分兩亦重。所以潤經益血。復脈通心也。聖濟經曰。津液耗散。爲枯。五藏痿弱。營衛涸流。濕劑所以潤之。與水停。

心悸之治法迥然不同。

葛根解肌湯九十

治發熱而渴不惡寒併痲癘

葛根二錢

黃芩

芍藥

麻黃各一錢

甘草

桂各五分

棗一枚

右水煎去滓溫服如脈浮再服取汗

柴胡桂枝湯九十

治發汗後亡陽譫語以此湯和其營衛以通津

液自來

柴胡

錢一

桂枝

錢一

甘草

分七

人參

錢一

半夏

芍藥

分各七

黃芩

錢一

生薑

片五

棗

枚二

右水煎去滓溫服

赤石脂禹餘糧湯

九十

自利不止下脫此利在下焦此方主之

赤石脂

禹餘糧

各三錢

右用水一鍾煎八分去滓溫服

按論曰服瀉心湯已復以他藥下之利不止醫以理中與之利益甚理中者理中焦此利在下焦赤

明處下焦
方爲治病
之本

石脂禹餘糧湯主之。古聖製方審於高下。如此取
効。自易耳。薛立齋先生醫按云。一人以命門火
衰而下利。令服桂附肉豆蔻補骨脂之類。不信。以
服補中益氣湯而瘥。此正利在下焦。止補中焦而
致敗也。嗚呼。後賢之千方萬論。孰有不出於仲景
哉。

桂枝加附子紅花湯

九十
七

婦人傷寒表虛自汗身涼四肢拘急脈沉而遲

經水適斷此方主之

桂枝

三錢

芍藥

生薑

各一錢五分

甘草

一錢

附子

泡

紅花

各六分

右水煎去滓溫服

芍藥甘草湯

九十

芍藥

四錢酒洗

甘草

四錢炙

右水煎去滓溫服

成註曰酸以收之甘以緩之甘酸相合用補陰血

按仲景曰作芍藥甘草湯與之其脚卽伸謂其不

蹠臥也謂其誤服攻表桂枝湯其厥逆咽乾煩躁

吐逆諸證俱得小瘥也。不過以藥劑外謬病證錯雜取酸收甘緩之意耳。後人借之以治腹痛等證。惟攻補不効者用之爲宜。亦是緩急之意。續論乃以爲血虛挾熱之神方。得非溢譽乎。

導赤散

九十

治心火上炎通肺致令神昏而脈浮

木通

生地黃

各二錢

甘草

七分

燈心草

一團

右水煎食遠服一方加茯苓麥冬車前子人參

導赤散心腸

一百

治熱傳手少陰神昏

黃連酒洗

黃芩酒洗

山梔薑汁拌炒黑

滑石碎

知母鹽酒拌

犀角镑

甘草生人參

麥冬去心

茯苓各一錢

生薑三片

大棗三枚去核

燈心草十葉

右水煎去滓熱服

知母麻黃湯一百

治傷寒差後

又云傷寒後不差

或十數日或半月二十

日終不惺惺常昏沉似失精神言語錯謬醫

或作鬼祟或作風疾多般治不差或無寒熱

或寒熱似瘧、都是發汗不盡、餘毒在心胞絡間所致也。宜服知母麻黃湯、溫覆令微汗、若心煩不眠、欲飲水、當稍稍與之、令胃中和、卽愈。未汗再服、以汗爲度。

知母

一錢半

麻黃

去節

甘草

炙

芍藥

黃芩

各七分

桂枝

去皮七分盛暑中減半

右水煎去滓溫服

按此方亦甚有理、須是不曾大發汗、及病以來身無汗者、尤爲相宜、詳證再加酒炒黃連更好。

大建中湯

二百

治中氣不足、無根失守之火、出於肌表而成斑疹、並治中氣虛乏、或身熱踈臥、或下利汗出。

人參

黃耆

炙

當歸

芍藥

酒炒

甘草

炙

桂心

半夏

製

附子

製

右水煎去滓溫服。

此是汗吐下後之證。中氣虛乏。則餘邪無所歸附。隱隱然見於肌表。其色淡紅而不甚顯。爲辯也。人參黃耆所以補中。半夏甘草所以調中。此皆健脾。

藥也。復有當歸芍藥之活血則外溢之斑流而不
滯。有桂心附子之溫中則失位之火引而歸原。此
中營之機一端而失伍之師各就其列也。是方也
以桂附參者而治斑法之變者也。降而未至於可
以權則不足語此。

桂枝白朮散

三十一百

治陰虛自汗脈沉細手足搖擗

桂枝

錢二

白朮

錢二

附子

錢一

五分

大棗

二枚

右水煎服

上方加羌活防風

錢各一

人參

錢五分

附子防風湯

一百四

治陰痿閉目合面手足冷筋脈拘急汗出不止

白朮

錢一

防風

錢二

甘草

分五

桂

錢一

附子

錢一

乾薑

錢一

柴胡

分五

茯苓

分五

五味子

粒十二

生薑

片三

右水煎去滓溫服

難知防風當歸散

一百五

治汗多亡血發瘧

防風

錢一

當歸

錢三

川芎

錢二

生地黃

錢二

白芍藥

錢二

炒

錢

甘草七分、羌活一錢、人參二錢。

右水煎去滓溫服。

黃芩芍藥湯六一百

治脈浮大發熱下利鼻衄乾嘔。

黃芩湯去大棗。

右水煎去滓服。

代抵當湯丸七一

治畜血。

大黃四兩、芒硝一兩。

桃仁六十粒、肉桂三錢、至五錢。

生地黄

當歸尾

酒洗

穿山甲

蛤粉炒
各一兩

右爲極細末、煉蜜爲丸、畜血在上焦、丸如芥子大、臨服、去枕仰臥、以津嚥之、令停喉下、搜逐膈上之瘀、中焦食遠下焦空心、俱桐子大、以百勞水煎湯下之、如老血成積、此藥攻之不動、去歸地加醋製、廣茂一兩、倍肉桂、或煮湯合滓服之、尤効。

按代抵當丸方出準繩、亦曾製用於中、又有加減蓋瘀畜之血、攻之爲難、仲景直用水蛭、蠱、有毒之藥、惟恐藥不峻利、亦何待攻之不動而後加減。

乎且生地黃用之無理當歸尾必不可減故於本方減去生地黃一味肉桂用一兩再加廣茂一兩紅花七錢用之頗覺有効。

失笑散

一百八

治畜血腹痛

五靈脂

水淘去沙

真蒲黃

炒各等分

右爲末每服二錢酒煎溫服或酸湯煎服

豬苓湯

一百九

治嘔而渴心煩不得眠熱在下焦小便不利

豬苓

茯苓

澤瀉

滑石

阿膠

各一分
五分錢

右用水二鍾煎四味至一鍾去滓內阿膠烱消溫服

四味皆滲利。則又有下多亡陰之懼。故用阿膠佐之。以存津液於決瀆爾。

茵陳蒿湯

一百

頭汗出。渴飲水漿。小便不利。必發黃也。此方主之。

茵陳蒿

三錢

大黃

二錢

梔子

三枚

右用水二鍾先煎茵陳至半內二味煎八分去滓
溫服

茯苓桂枝甘草大棗湯

十一百

太陽病汗後小便自利飲水多心下悸欲發奔

豚此方主之

茯苓

二錢

甘草

七分

桂枝

一錢

大棗

三枚

右用甘瀾水二鍾煎至一鍾去滓溫服

汗後則心液虛腎者水藏欲乘心火之虛作奔豚
清桂枝湯心也茯苓之甘淡可以益土而伐腎邪

桂枝辛熱可以益火而平腎氣、甘草大棗之甘、可以益脾益脾所以制腎也、煎以甘瀾水者、揚之無力、取其不助腎氣爾、

甘草乾薑湯

一百一十二

治少陰小便色白、吐逆而渴、動氣下之反劇、身雖有熱、反欲蹶臥、

甘草

二錢

乾薑

一錢

右用水一鍾半、煎八分、去滓服、

此卽四逆湯去附子也、辛甘合用、專復胸中之陽、

氣其夾食夾陰面赤足冷發熱喘欬腹痛便滑外
內合邪難於發散或寒冷傷胃不便參朮者並宜
服之其得虛挾寒之聖劑也

麻黃連翹赤小豆湯

十一百

治傷寒發熱在裏身日發黃

麻黃

連翹

即連翹根

生薑

甘草

各二錢

大棗

二枚

杏仁

五粒泡去皮尖

生梓白皮

一錢

赤小豆

三錢

右用豕煎去滓溫服

白虎湯

治斑出熱甚脈洪數舌燥口乾煩渴譫語氣喘

表裏俱熱日晡潮熱

人參二錢石膏五錢知母二錢甘草一錢粳米半合

右用水煎去滓溫服

黃連犀角湯一百十五

治狐惑咽乾聲啞

黃連一錢五犀角生者鎊二錢木香三分烏梅三個

右用水煎去滓溫服

雄黃散一百十六

治狐惑蟲食藏

雄黃 桃仁

苦參

青箱子

黃連

各等分

右爲末、艾汁爲丸、如小指尖、大綿裹內下部中、

十棗湯 一百十七

治心下痞、鞭脇痛、乾嘔、短氣、汗出不惡寒、

芫花 熬 甘遂

大戟

大棗

十枚

右三味等分爲末、以水二鍾、先煮大棗十枚、取一鍾、去滓、內藥末、強人服一錢、弱人服半錢、平旦溫服、若下少、病不除、明日再服、加半錢、利後糜粥、

調養

此湯與陷胸相倣、傷寒種種下法、咸爲胃實而設、今證在胸脇而不在胃、則蕩滌腸胃之藥、無所取矣、故用芫花之辛以逐飲、甘遂大戟之苦以泄水、並賴大棗之甘以運脾、助諸藥祛水、飲於胸脇之間、乃下劑中之變法也。

黃龍湯

一百十八

治失下、循衣撮空、虛極熱盛、不下必死者。

大黃

三錢 痰秘 薑汁拌

芒硝

二錢 腸鳴 換 半夏茯苓

厚朴

一錢 五分

枳實

錢一

甘草

換桃仁泥

人參

較大黃

當歸

減半

當歸

錢二

生薑

片五

大棗

枚一

右用水煎服

虛人積結於內攻之不行乃腸胃枯竭之故故節
菴○加○人○參○當○歸○於○承○氣○湯○中○助○其○氣○血○以○建○背○城
之○功○即○如○參○蘇○飲○中○用○人○參○佐○表○藥○之○義

生地黃黃連湯

十一百

治亡血燥熱循衣撮空閉目不省人事

生地黃

酒浸

當歸

川芎

各二錢

白芍

酒洗

黃連

酒蒸

黃芩

酒炒

山梔

薑汁炒焦
黑各八分

防風

酒潤
三錢

右用水煎徐徐服

烏梅丸

一百二十

治吐衄

烏梅

三百個

黃連

一觔

黃檗

六兩

乾薑

十兩

附子

六枚泡

蜀椒

四兩
去汗熬

桂枝

六兩
細辛

人參

六兩

當歸

四兩

十味各搗末以苦酒漬烏梅一宿去核蒸之五升

米下飯熟搗成泥和藥合却得內日中與蜜杵二

千下丸如桐子大先食飲服十九日三服稍加至

二十九禁生冷滑物臭食等

烏梅丸主胃氣虛而寒熱錯雜之邪積於胸中、所以虻不安而時時上攻、故仍用寒熱錯雜之味治之、方中烏梅之酸以開胃、蜀椒之辛以泄滯、連櫟之苦以降氣、蓋虻聞酸則定、見辛則伏、遇苦則下也、其他參歸以補中氣之虛寒、薑附以溫胸中之寒飲、若無飲則不嘔逆、虻亦不上矣、辛桂以祛陷內之熱邪、若無熱邪、雖有寒飲亦不致於嘔逆、若不嘔逆、則胃氣總虛亦不致於虻厥矣、

按吐衄一証仲景方寒熱並用在昔賢有以爲寒者有以爲熱者有以爲寒熱錯雜者大約傷寒至於吐衄屬虛寒者爲多必須斷之以脈參之兼證庶幾無誤治也

百合地黃湯

一百一十一

治百合病不經吐下發汗病形如初者

百合

七個

擘破以泉水浸一宿洗去白沫別以水

二鍾煎一鍾又用生地黃

兩

泉水二鍾煎一鍾和

勻服大便當如瀉腹痛勿更服

麥門冬湯廿二

治勞復發熱起死人方

麥門冬

去心

五錢

甘草

一錢

棗

枚

青竹葉

十四

粳米

人參

三錢

右用水二鍾煎至六七分去粗溫服如不能服以綿蘸藥滴入口中

傷寒辨證卷四終

富張劉光